

溫江縣志卷六

兵事第六

溫江四境皆平原無高山巖阻足以藏姦稔亂其民耐勤樸力農安分故自古訖今未有倡亂負隅致勞天討者雖地附省垣而僻處西偏不當孔道列雄割據大兵征伐皆以克定成都而止不擾及旁縣故溫江歷史絕無大兵事之可紀茲就縣境所經兵事約分爲三曰防警曰寇亂曰民軍後之謀保安者亦可資爲得失之鏡云

溫江縣志

卷六

兵事

防警

溫邑防警之制於古無徵蓋地非要隘民各安業爲治孔易固無勞多兵反以擾之也清設外委把總一員戰兵十五名守兵十二名隸城守右營駐城內歲需餉銀不過四百兩承平旣久亦設而不用汛官與兵反以局賭爲事彼區區者已足爲民蠹矣光緒以來國勢日下盜風漸熾防汎殆同芻狗欲靖萑苻惟恃營勇大府於是有所巡防軍之設其軍奉調往來營哨官或分駐城鄉大約皆與民相安亦可謂幸至辛亥保路事起人民始





疾視防軍爲寇仇自是遂爲民國槍林彈雨滿地皆兵傳曰兵猶火也弗戢自焚能無懼哉舊制旣亡新制未定甚至有鬪爭防地之事而民之供應不暇給矣防軍之外縣中又額定警備隊八十名隸省長今改爲警備軍隸督軍所以捍衛吾民之頭足者不可謂不多矣若夫巡警之制在清末時已仿西制創辦其職任曰保安正俗衛生稱號可謂文明縣知事兼警察所所長其下有警佐一員巡長三人警士三十人隸全省警務處

### 寇亂

溫江縣志

卷六

兵事

二

川八

獻賊之亂

溫江罹流寇之禍始於宋李順據成都遣其黨四出攻劫州縣然未烈也屠戮之禍爲開闢以來未有之慘劇莫如明季獻賊之亂獻賊者陝西延安人張獻忠也與李自成皆爲賊首崇禎十年自成入蜀所過州縣大肆焚掠由郫縣攻溫江丞簿縱囚而逃時賊陷州縣三十六溫江其一也明年賊爲總督洪承疇所敗還走陝西殺戮猶未劇十三年張獻忠蹂躪四川明年東下十七年甲申復入蜀益肆屠殺六月由重慶趨成都州縣望



風瓦解烽火數百里不絕成都大震巡按使劉之渤檄調附省州縣吏赴會城圖拒守溫江令施之炳奉調至賊已薄城下被執賊令降之炳厲聲罵賊不屈死八月成都陷蜀王自沈於井文武官紳相繼殉難者纍纍大殺三日據藩府稱帝僭號大西改元大順明年州縣謀逐殺僞官邑故大理卿任漢子孫闔族拒僞命糾義勇與賊相持於長灘戰敗全家覆沒賊四出搜殺遺民驅老弱男女環列楊柳江上圍而殄之橫尸數十里牛犬亦磔之無遺種惟范氏蔣氏陳氏衛氏數人匿於開講

溫江縣志

卷六

兵事

三

川上

寺大佛腹中得免嗚呼自生民以來殺戮之禍未有烈於此者也時明亡已三年矣是年十二月清肅王西征追擊獻賊於西充鳳凰山獻忠伏誅

曾學傳曰天縱獻忠殺人若此何天之不仁哉豈人喪其心而亡人道習成惡種不可變革天故芟夷務盡盪舊穢而迪新機乃所以爲人耶嗚呼可以警矣

藍逆之亂

自獻賊亂後歷二百年而有滇匪藍朝鼎之擾朝鼎與李永和皆雲南煙匪出入慶筠高珙間聚黨數十人於



新灘抽取客貨釐金官吏撫馭乖方遂於咸豐九年九月聚集大股徑圍敘州府真武山十年三月朝鼎分股由嘉眉上竄圍攻邛州距溫江僅百二十里邑令潘銘鑒儒吏但爲民憂懼而不嫻兵畧邑紳袁嵩齡黃建鐘陳天恩文治昌等謁令請集紳衙神祠籌議防守嵩齡倡捐錢六百貫頃集貲二萬餘購置礮械部署一切嵩齡天恩任城內防守西門外要衝建鐘治昌任之巡防四十餘晝夜擒獲賊謀數名斬以徇時囑匪徧地潛伏伺衅不敢動建鐘初自練飛虎軍四十名至是增爲百

溫江縣志

卷六

兵事

四

川上三又

二十名改名曰福勇仿明戚紀光兵法訓練時游勇甚夥佔占民房鈔虜財物靡所不至福勇成軍人心稍固縣西和盛場團總段龍章亦自出家財數百緡並募捐紳富招練團丁數百扞衛鄉里各鄉人民皆練團自衛六月賊突竄至崇慶州之元通場大府檄溫郫崇繁灌等屬團勇五千餘人堵賊於古家渡福勇奉調隨奇勝軍作鄉導至沙溝河松屬八營管帶吳家春謂福勇哨長曰楚軍謂奇勝軍勇而驕其進甚銳倘遇伏團勇不能退出奈何曷若隨子穩紮穩打萬無一失哨長從之時段



龍章亦奉縣札率團丁爲後援邑令之三公子及邑紳顏卓帶太平團前往被楚軍驅作前敵遇賊伏發迫入稻田中賊預布鐵齒縱橫刺足血淋漓田水俱赤團勇被難者十三人潘三公子及顏卓均沒於陣龍章殿後整隊而還令遂決意告退邑紳袁吉等迺謁成都府請委員督辦軍務新繁陳祥棟字小松奉檄來縣巡視地勢一周悉本邑精華在西城外無險可守一遇賊氛必先受禍與黃建鐘籌議於郭外修築土城西南以楊柳江爲濠東北以新開江爲岸札飭各團首分段計工竹木

溫江縣志

卷六

兵事

五

川上三

捐伐於四鄉工價由總局支給請功牌百張尅期歲事卽予獎勵不十日而功垂成附郭居民始有所恃不謀遷徙矣時城內外民團部署畧定城中曰萬春團推校官左廷元爲管帶邑紳胡淵彭信古爲左右翼長東城外曰太平團邑紳郭安邦爲管帶西城外曰五福團黃建鐘爲管帶唐友耕者滇匪投誠帶游勇効力者也至縣請紮城中令懼其騷擾不納友耕怒而去邑紳張欽吳屏周郭安邦馮孟雲董瑞等追畱之友耕見程祥棟曰兵畱無餉奈何祥棟曰城池君任之糧餉我任之遂



爲請餉五千唐軍紮城南湖廣館九月十五日賊至邑西和盛場防守益嚴有宗標者已革蠹役也軍興時出門至是忽歸程委辦擒鞫之果爲賊偵立斬之城下次日黎明賊率隊至瞥見土城門洞闢疑有伏逡巡不敢進祥棟欲燬城外民房使賊無所隱蔽邑令潘銘鑒泣阻乃止時守西門者爲祥棟隨員千總尹明星久經戰事靜鎮不驚俟賊至日暉橋始然劈山大礮轟斃紅衣老賊於馬下賊驚卻適唐有耕率隊從城南至奮勇截殺賊蠹擁向土城門爭出唐軍斬首百餘級奪攻城梯



丹稜攻城破之遂死守不出提督胡中和掘濠困之十一月十三日藍逆出戰於磨盤山爲胡中和長矛刺死賊黨北竄十五日至雙流彭家場距溫江縣僅三十里城守戒嚴難民老弱男女麇集城下不得入是夜賊走邑南昇平場楊林寺一帶地方燬燒民房火光燭天適城西張姓宅不戒於火城中人以爲賊至大譟城下難民號哭聲聞數里賊見城西火光疑有兵由文家場北竄犀浦至彭縣濛陽場爲官兵痛勦賊氛益微餘黨遂北走入陝

溫江縣志

卷六

兵事

七

曾學傳曰庚申之亂余甫離襁褓未罹鋒刃之慘者皆鄉先輩綢繆保護之力也及長詢藍逆事已不得其詳有周宗鼎者字凝齋業岐黃年七十矣嘗爲福勇司文案能具道兵事本末宗鼎曰庚申之事福勇無役不從若能籌餉練成一軍未必不如湘軍楚勇之立功也烏虜壯矣軍興初宗鼎嘗條陳兵事於官辛酉綿州之捷復親往觀戰宗鼎亦當時之男子也茲篇所述蓋得之宗鼎而少參父老之說云

民軍



自清衰末西人物競天擇之說流及亞東吾國民氣爲之一變林總之倫苟非了無生氣者無不勃然思振欲爲世界強國而改革之事興民軍起焉爰述吾邑保路同志軍及護國軍始末著於篇  
辛亥保路同志軍之役

清宣統三年政府借外款修川漢鐵路川民競起反對以借外款爲賣路足以亡國於是省城有保路同志會而州縣有協會七月十五日川督趙爾豐逮捕首領羅綸等七人吾邑王銘新與焉夜二鼓後邑中風聞其事

溫江縣志

卷六

兵事

八

曾學傳曰是尙可以坐視哉非匍匐往救不可明日大雨滂沱探者歸謂省城四面團兵已集城下吾人乃立召邑中豪民黃茂勳何祖義蔣希益等起義豎旗曰溫江縣保路同志軍各團勇紛紛冒雨連日夜行泥淖中明日抵省城南門外公園吳慶熙與其從兄從英率眾至明日李僊舟自和盛場帥八保民軍至吳慶熙者本名榮超後以字行在畎畝中素抱革命之志者也茂勳與李僊舟官文等共推慶熙爲同志軍統領從英爲分統要爾豐釋羅綸等十九日爾豐飭將弁擊退團勇至



文家場慶熙出家財招兵會壽安保黃星耀與利保簡雲龍皆率眾至太平專城守備高明光方解職家居慶熙要之出爲指揮兵事或欲引兵回縣據城吳從英黃星耀力阻乃止二十四日爾豐遣巡防軍分兩路來攻戰於辜家碾六小時陣沒二十餘人慶熙乃率眾退越城西北四十五里紮興利場圖後舉黃茂勳乃獨身往西南路號召各府廳州縣豪民舉義二十五日午後陸軍陳隊長率隊來温明日出西門往崇慶州慶熙預令黃卓熒等率軍伏於三渡水以待陸軍至四面伏兵突

出擊之陸軍勢不支投江及轟斃者八九十人軍官無存者槍支子彈悉爲同志軍所獲二十八日陳協統率軍來邑駐城中適彭縣同志軍首領劉麗生以其眾來歸慶熙道聞城中有陸軍駐紮二十九日夜四鼓劉軍由北門梯城入潛行至城隍廟側陸軍覺結隊出與劉軍巷戰於北街劉軍少卻退出北門陸軍緊閉城門由城上施槍外擊凌晨

八月初一

西門兩路同志軍潮集陸軍

見民軍勢眾整隊出西門過雙鳳橋與民軍血戰旋用煤油漬棉花入槍口擊燒街房千數百家煙燭燭天槍



礮聲隆隆日光無色省城又來馬隊一隊與民軍戰於南門外焚燒陝西館及街房西南門外街市田野流血橫屍不可勝數戰至午後陸軍沿路又燒燬民房數百家西去越四日陸軍還省當時各縣同志軍蠢起據城逐官所在皆是慶熙聞崇慶州孫澤培欲據溫江懼地方糜爛乃於八月初六日率眾回縣入駐城中縣令晉和主民事慶熙主兵事其軍號曰安慶營慶熙爲統領高明光爲副統人民富室擔負餉需秩序井然二十日早膳後突有巡防軍一營從間道猝至距城三四里始

聞報時城中民軍僅三百餘人慶熙急部署守城挾縣令晉和共登陴晉和諭官軍曰城中皆民團非寇也官軍不聽以礮轟城城上兵始放礮擊斃官軍十餘人官軍退從英知民軍單薄不足保障地方乃縋城下往各同志軍求援官軍退時怒曰歸運大礮掃爾城矣午後城中氣如墨陰風瑟瑟全城良弱男女皆閉門不出夜半慶熙恐救兵不卽至吾邑將齏粉乃率所部出城號於街曰吾等去矣城中人請速行於是居民攜老弱男女負行李搶攘四出城爲一空逾日官兵至入城見城



中闐無人跡惟晉和獨留官軍乃捲械去居民去者復還二十四日各路同志軍至者二千餘人城中人簞食勞之慶熙借四百金分給諸軍一宿即去九月吳軍駐興利場時與官軍戰於鄰邑有巡防軍來駐城中疾視居民居民惶恐不安曾學傳往請爾豐撤巡防軍爾豐言須吳慶熙就撫始撤軍學傳往告慶熙慶熙曰奈何屈於民賊學傳曰天下大勢已變爾豐亦數日川督耳君姑應之以安桑梓慶熙許諾爾豐果撤巡防軍未幾並釋羅綸等十月初七日四川告獨立矣吳軍移駐縣

城十八日省城兵變慶熙始率軍入省城定亂慶熙自起義行軍進止多楊正之謀正原名鶴琴是役也婦人童子皆疾視趙爾豐巡防軍若仇讐同志軍所在饋食者絡繹不絕可以觀人心矣

丙辰護國軍之役

民國五年蔡鍔以袁世凱稱帝起義於雲南吾邑吳慶熙召集舊部響應焉二月二十七日舊曆丙辰正月二十五日成立四川靖國軍司令部慶熙爲司令長孫澤沛爲副司令長丁澤煦爲總指揮馬繼麟爲全軍督戰官分設各部



豎討逆招降四大字旗於軍前由明山寺出發至報恩寺遇團防激戰奪獲毛瑟槍十餘支自是以下戰事在他境者不著著其在本境者二十八日舊曆正月二十六日四川將軍陳宦之西南總指揮黃樹成調駐北兵一營於興利場并調鄰封數縣警備隊團練數百名扼吳軍要路親率警隊二百餘名欲以一戰撲滅吳軍三月一日舊曆正月十七日慶熙由灌縣蒲村率全軍赴興利場攻擊黃軍時吳軍僅二百餘名快槍三十餘支毛瑟十餘支土抬礮三十餘支其餘均係前堂礮短刀將戰派馬繼麟吳

溫江縣志

卷六

兵事

十三

川文

國光爲衝鋒丁澤煦爲左側衛曾炳文爲右側衛慶熙隨帶快槍四支先助左側攻擊見右稍弱奔助右側猛力鏖戰黃軍火力精強拚死射擊吳軍爭道奪槍前仆後繼罔所畏憚自午至酉毫無退志生擒黃軍排長黃某士兵誤爲黃樹成軍中大呼曰黃處長被擒矣於是奮勇爭先吳軍無不一以當百俘虜黃軍二十餘名轟斃數十名奪獲快槍二十餘支樹成狼狽逃走黃軍敗退慶熙自是軍威大振北軍膽落川省護國軍之成功基於是焉三月十日舊曆二月初六日吳軍路經吳家場與北



軍相遇北軍望風卽遁三月二十七日

舊曆二月二十三日吳軍

至城下礮聲大作人心惶恐知事沈某藏匿不敢出署一步黃茂勳戚興斗高明光楊銘等與慶熙交涉茂勳曰君素爲鄉人稱善聲譽夙著今何必入城驚父老致地方糜爛爲德不終耶慶熙聞之泣數行下仰天歎曰榮超不爲政府所容雖欲歸農且不獲諸公幸無恙榮超崎嶇轉側欲伸大義豈爲父老害茂勳等皆泣慶熙於是退軍數里邑紳商以七白金饋軍是夜警備隊長官文率所部出南門歸吳軍吳軍駐三渡水上下新附

溫江縣志

卷六

兵事

十三

川文上

者漸眾駐紮附城遠近城中風聞新附軍約於二十九

日夜

舊曆二月二十五夜

入城虜掠財物殺仇報怨居人大恐趙

熙光曾學仁戚興斗高明光等急爲添籌五百金曾學傳作書遺之曰慶熙司令足下辛亥以來值國家改革之際足下以布衣之豪義先天下振起隴畝聲聞昭著其惠庇桑梓父老子弟咸懷嘉德尤繫人思今復起義響應滇黔取消帝制恢復共和吾蜀士紳多增慚汗足下軍麾所至鄉邑安堵雞犬無驚仁義昭昭在人耳目愚等與足下誼關閭里吉凶同患自應傾力相助惟頻



年屢受痛苦膏髓枯竭此足下所稔知者也然大義所關雖拮据萬難何能坐視前奉涓埃幸叨鑒納茲復籌集五百金以供斯湏之助此亦愚等區區鄙忱所不容已伏祈霽納是幸再者國體已決復還共和雙方停戰貴軍想已聞知太平有日敷天之幸楊正黃茂勳親賫書幣往吳軍中具言新附軍惡謀狀慶熙下令嚴飭所部有敢入城騷擾者斬城中遂安三十日舊曆二月二十六日黃樹成率北洋軍一連模範警備隊一連由縣開赴永安場即劉家濠民軍有小隊得信預伏高垠下以待及戰民軍傷一護兵官軍傷一軍官人民倉皇奔走被槍彈死田間者乃多至三十餘人官軍悉割其耳以爲功民軍所嘗駐朱宅官軍竟槍斃其房主虜其財物而去沿途混拉無辜人民四十餘名以爲俘虜聞之令人髮指嗚呼人民出錢養兵原以衛民而乃若猛獸之食人人且束手足而不敢禦吾國尙有天日哉

曾學傳哀時詩曰民命嗟如此艱難問彼蒼金錢供虎豹膏血豢豺狼家室連村破官軍甚寇狂古今朝代事不忍論興亡



永安場之役吳軍接戰者惟小隊其大隊已過三江口宿唐場明日取大邑越三日取邛崃吳軍自是復與黃軍轉戰月餘不少懈而陳宦亦告獨立矣又逾月袁世凱死而護國軍之事畢是役也民軍所至秋毫無犯道路婦女皆視若姑姊妹北軍則姦淫估霸人民無不仇視兩軍交戰無不以北軍之敗護國軍之勝爲快與辛亥視同志軍及巡防軍如出一轍云

曾學傳撰吳慶熙君兩次起義紀念碑文自清政秕濁外邦叢侮環四方日戢戢謀宰食我充其饕慾爲

快我執政不懲不戒反聾盲我人利彼私賂賣權鬻土盡我不惜我幾不國民怒百倍乃力起而仆清於是乎有辛亥之變清祀旣燼作我民國剗革專制緇皇帝號曰大總統公天下爲法我人無上下叛者必誅袁氏犯之強復帝制陰畜我四孩人爲一姓狗馬我幾不可爲人民怒百倍乃力起而仆袁氏於是乎有丙辰之役之二役皆吾國生死大命所係吾縣吳君先後奮揚蹕厲銜兵蹈火不愛血肉肝腦冒大難爭之以底事之成於戲偉哉君名榮超字慶熙溫



江縣人素豪於義不事空文干利名惟志革清命嘗謀起事鄉里不就辛亥之變郵傳部尙書盛宣懷賣我川漢鐵路吾人忿爭川督趙爾豐執首事者羅綸等數人將斬之城中人訐衙索綸等不獲君聞變立召徒黨日夜率子弟操兵抵城下脅還我路及綸等著其號曰四川保路同志軍遠近聞風挺槍械四起不絕民日與官鬪戰外省民兵因是雲作雷動震中外今大總統黎公時官湖北首獨立武昌吾川人亦獨立殺趙爾豐各省翕然一致而滿清亡矣清亡後

君官團長當路心害之君棄職走京滬國中革命鉅子咸握手納交慕義攀望者不斷君以吾國羶腥旣滌積素已達頗懷出世想歸家翛然若塵外人而又適有丙辰之役袁氏叛國雲南首義時成武將軍陳宦附袁拒滇君懼袁黨徧中國滇勢不支復振臂起兵應雲南署其號曰四川護國軍以牽掣陳師君率鄉里烏集蟻合之眾戰槍彈銳利百鍊之軍屢蹙屢興附者日眾敵軍希功成欲得君甘心君身經三十餘戰立礮雨中未嘗蛇伏或勸少退曰吾死卽休矣



卒未受創自是遠近討袁軍競起陳知義不可敵亦  
背袁獨立向之甘心爲一姓奴者悉相率革面南軍  
勢大張袁膽魂喪落遂伏冥誅而吾民國復振矣吾  
溫父老曰吳君於國若是其福我人者豈可忘哉豈  
可忘哉當辛亥成都兵變大掠民財君率眾入省城  
擒斬十餘人搜還財物纍纍繳官聽民取不染秋毫  
城中大安比年爲軍官者多置田宅君薪悉以津貧  
交故舊而賴以生活者不知若干今年之變人民受  
他軍及盜擊搏吞噬者無數君至輒爲保安一粒一

草無所強取北軍淫掠過猛獸君士卒則敬老弱婦  
人皆諸姑姊妹言貌小有違失皆不敢君尤始終眷  
衛桑梓不懈鄰縣人輒爲我賀且於賢士大夫敬禮  
有加至利則後人害則身先尤其卓著者故遠邇豪  
傑平人咸樂附之於戲若君之義爲國之器爲民之  
光是焉可以不彰子其文之曾學傳曰善乃如父老  
意謹爲文以示來茲

民軍陣亡諸烈士

同志軍



分統同志軍吳從英鄆縣花石橋戰歿武烈有傳  
頭目方紹欽北城外戰歿

護國軍

偵探長向子貞鄆縣遇害

隊長吳鑑亭彭縣關口戰歿

隊長陳吉軒灌縣布金寺戰歿

排長宋少洲邛州南河戰歿

排長陳春山仁壽楊家山戰歿

排長何國斌省城東門外戰歿

溫江縣志

卷六

兵事

六

11X4

民軍有功已故者

李僊舟

武烈有傳

吳定邦

武烈有傳

屈應宗

團副

何祖義

黃卓熒

營長

民軍有功生存者

吳慶熙

首領

高明光

副統

黃星耀

副統戰守均力授陸軍少校

黃茂勳

起事

要人功成即退

官文

簡雲龍

馬繼麟

戚成烈

李宗

白

吳國英

吳國章

以上皆營長

吳國棟

連長

張銘

團副

蔣希益

營副

曾學傳曰自革命以來吾國日變月異立國之本幾



亡而生民之禍日棘則非吾人改革本志矣事必經  
大變而後民智益進今而後吾人當共圖太平之治  
矣老子謂兵爲凶器不誠然哉不誠然哉

溫江縣志

卷六

兵事

十九

六